

經部

欽定四庫全書

經部 易經存疑卷十

詳校官大理寺即臣富炎泰 通政使司副使臣其婚亲覆勘

校對官中書 葉 蘭 總校官編修日王熊緒 腾绿監生 張 元任

というして からう 開門回衛 日本の 日本の 一大の 易維存疑 ) UF) 天七地八天九地十 六居北二七居南 四出河背上旋毛圈子 **冰卦之法先言河圖** 牃

金片巨眉石潭 盖天屬陽陽之數奇圖數之奇者皆屬乎天地屬陰 夫子即是圖而指出以示人曰某是天數某是地數 數知河圖為天地之數不知何者為天何者為此故 陰之數偶圖數之偶者皆屬乎地故天之數則一地 不知河圖之有數知河圖之有數不知其為天地之 之數則二天之數則三地之數則四若五若七若九 八居東四九居西五十居中此天地精粹之氣聚於 物之身以顯造化之迹者也然人知龍馬之負圖

2. 1. Just 1. 1.1. 神也 數三十凡天地之數五十有五此所以成變化而行思 天數五地數五五位相得而各有合天數二十有五地 屬乎地也以是直指點圖數之屬天屬地者以示人 是皆奇數面屬乎天也若六若八若十是皆偶數而 天數五地數五是據其大縣而計之天數二十有五 **未有意義** 、既據圖指點出天地之數以示人此乃解釋 易経存疑

是五位也一與二三與四五與六七與八九與十各 觀之一三五七九皆奇數而屬乎天是天之數有五 盡發其義意謂河圖之數奇者屬天偶者屬地即是 也二四六八十皆偶數而屬乎地是地之數有五也 五位相得而各有合是畧解其義成變化行思神是 以奇偶為類而自相得蓋從一至十一變一化以序 地數三十天地之數五十有五是積其全數而計之 而生出水火木金土如兄弟第一第二之相與也一

銀坑匹庫全書

Sa. Jonet Links 之二與八為一十四與六為一十又單一箇十是地 單一箇五是天之數二十有五也地之數五積而計 天地之全數乃所以成變化而行思神也盖天以一 之數三十也二者合計之天地之數共五十有五山 之數五積而計之一與九為一十三與七為一十而 相與而生水火木金土如夫婦之配合而生育也天 兩相合而奇偶之相為生成蓋以五合五一生一成 與六二與七三與八四與九五與十一奇一偶各以 易維作疑

**新玩匹庫全書** 成上天一生水是来而伸神也地六成之則生者往 而屈而地六之成水者又為来而伸矣地六成水神 陽變合之妙所謂成變化者如此鬼神只在變化生 變生水地以六化成之地以二化生人天以七變成 偶相為次第一變一化相為生成五行之生莫非陰 以九變成之天以五變生土地以十化成之一奇 之天以三變生木地以八化成之地以四化生金天 也及地二生火則地六又為往而屈而地二之生火

とうしいったいから 皆是如此皆思神之所在故曰行思神 五位相得而各有合正是成變化行鬼神處五位即 生金天九之成天五之生土地十之成其往来屈伸 又為往而屈而天七之成火者又為来而伸矣天七 五數不曰數而曰位者位數之所居也 之成火神也及天三生木則天七又為往而屈而天 又為来而伸矣地二生火神也及天七成之則地一 二之生木义為来而伸矣以至地八之成木地四之 易経存疑

金分四月白雪 而言故居中 也此五行與太極圖陽變陰合之五行不同太極圖 而實矣故次火金則實而固矣故次木土則以全體 則金矣又曰水質微故居先火漸著故次水木則著 物資始時屬水流行時屬火向於實則木矣實之成 說造化初生之五行此就萬物之生成言蒙引曰凡 著自一至十乃微著之節次而其迹見於龍馬之身 五數不過水火木金土之生成一兩五行之生自般至

成即接之固無天一生水又間五位待地六然後成 生於地二成於天七木生於天三成於地八金生於 之之理特五行之生數止於五除一二三四五生數 五行之生成實相連接只在一時方其水之生也而 地四成於天九土生於天五成於地十然水生於天 五行各有生成其生成則分屬乎天地生於天者成 於地生於地者成於天故水生於天一成於地六火 越二三四五凡四位而後地六成之不亦緩乎盖

WELLOWS LIANS

易經存疑

金分四月五十 循序而配五生數則六當配一七當配二八當配三 六化成之云云本義之所云爾然是數之在馬圖也 非人之所可知也 所為者而實天地所生之自然此所以為造化之妙 五與十居中一生一成恰同一位似有人力布置之 九當配四十當配五以其相配而數之則一變生水 之外自六至十皆是成數而為生數之副以五成數 與六居北二與七居南三與八居東四與九居西 3

~ 10.00 Like 説矣 是成數乃接五而謂之相得似乎難說家引曰一至 六總是五行一氣也令按此說似乎可通不然則無 五位相得一二三生數相連謂之相得是也如六則 極燥極而為木金也 火而四生金盖以陰陽之氣一濕一燥而為水火濕 勉齊黄氏曰造化之初天一生水而三生木地二生 五生數已備至此則成數當総之矣故五後即総以 易経存疑

多好匹库全書 **閏故再协而後掛** 大衍之數五十其用四十有九分而為二以象雨掛 以象三揲之以四以象四時歸奇於扐以象閏五歲再 五箇十無一箇五便成十箇五聖人有見於此故就 而得之者盖河圖一箇五乘一箇十便成五箇十以 數盖易之用也本義謂河圖中宫之數天五乘地十 上言河圖之數正為易數張本爾故此承言大行之 中宫之數而行之盖一者數之始十者數之終但是 

朱子曰河圖五十五是天地自然之數大行五十是 箇行便是五十即此可見大行之説 五行之而各極其數以至於十者一箇行成十箇五 於五小行之而成十大行之則為五十朱子曰中數 五箇十矣故曰大行之數五十程子曰數始於一備 玉癬胡氏本身是一是二是三之數恐未是 便含箇十數始必有終之義也河圖中數是五箇 取一箇一行之而成十取五箇一而各行之則成

大正可性とは可

易経存疑

金分四月百言 並可當大行之數者故至用以筮則止用四十有九 六十四卦三百八十四爻本是變化之物然無蓍策 其一置之不用山五十數若全用之則其數不行而 拱著求卦大行之數五十此著策之全數也著一百 縣河圖是自然底大行是用意以拱着求卦底 聖人去這河圖裏面取那天五地十行出這箇數大 則其變化亦無自而顯故聖人作易生著倚數教人 無以成易必置一不用而後其數始行始可以成易

とこういま という 思意啓蒙之說非本義所以不用其或以此也數 也況太極雖不雜乎陰陽亦不離乎陰陽令虚一不 去不用蒙引謂氣有為而理無為故虛其一 以分而為二以象兩儀觀之則四十九策未用之先 用以象太極却把太極與陰陽判而為二尤為未穩 極之無為愚按太極動静而分陰陽太極非無為者 智力之所能損益也啓蒙調虛一以象太極本義削 **此則神不可知處故本義謂出於理勢之自然非** 易紅存疑 以象太

金片四月全書 太極渾淪陰陽未判之象也但聖人不言爾 用也静則歸於一動則惟觀其用一在其間而不可 者道也謂之無則一在謂之有則不可取四十九者 羣書考索曰揲蓍之法四十九蓍 聚之則一而四 取此大行之數五十其用四十有九也 以四十有九之策信手中分而為二左右二手各得 九隱于一中散之則四十九而一隱于四十九中 以置之左右一大刻之間此所以象兩樣也以

ころれいいま たたむ 月也歷法三歲一閏五歲再閏故採着之法左掛左 **劫然後別起一掛正以象五歲之再閨丽。** 楪左歸奇右楪右歸奇凡有五節五節之中凡有再 右手取右大刻之策掛于左手小指之間此所以象 以象歲之有四時也以所撰四數之餘或一或二或 二或四朸於左手中三指之兩間此以象嚴之有閨 人而参三才也以左右兩手之策各四數而撰之此 一當一歲楪左當二歲扐左則三歲一閏矣又楪 易紙存疑

多坑四母全書 朱子曰歲有十二月月有三十日凡三百六十者 氣盈者天之數朝虚者月之數 為一月更餘六日又二歲餘二十四日合前所餘六 右當四歲初右則五歲再閏也故再初而後掛 虚六日一歲餘十二日三歲餘三十六日以三十日 西山蔡氏曰天地之數三百六十每歲氣盈六日朔 日為三十日為再閏 歲之常數也故日與天會而多五日二百三十五分

六十當期之日 乾之策二百一十有六坤之策百四十有四凡三百有 ここりえ べきつ 定四時成歲終傳 詳當觀書帝命義和期三百有六旬有六日以閏月 六日蔡氏云六日者舉成數也按此其大畧者爾其 朔虚合氣盈朔虚而閏生馬據此氣盈朔虚俱不至 者為氣盈月與日會而少五日五百九十二分者為 上言楪着求卦之法於造化既有所象此言過楪之 見经存疑

通十七策而見存三十二策則為少陰之爻三拱掛 十三策而見存三十六策則為老陽之文三拱掛扐 策於造化亦有所象乾坤之策二篇之策皆過牒之 **揲掛扐通二十五策而見存二十四策則為老陰之** 之外見存蓍數為言爾盖楪蓍之法凡三楪掛扐通 策也朱子大傅所謂乾坤二篇之策者正以其掛切 文大傳專以六文乘二老而言故曰乾之第二百一 **扐通二十一策而見存二十八策則為少陽之文三** 

欽定匹庫全書

Cried Diet / Letter 坤之策百四十有四一爻二十四二爻四十八三爻 則二百一十有六也 乾之策二百一十有六一爻三十六二爻七十二三 爻一百單八四爻一百四十四五爻一百八十六爻 舉成數而言也 有六旬有六日本義曰凡三百六十五日四分日之 十有六坤之第一百四十有四書命 羲和曰期三百 又不赘六日本文曰凡三百有六十當期之日者 易終存疑

**多好四月至書** 「篇之策萬有一千五百二十當萬物之數也 四矣 朱子曰二篇之策當萬物之 百一十二策重老陽之數也陰文亦然 坤策亦然故承此而言二篇之策萬有1千五百二 又曰乾之策二百一十有六者以老陽之數計之 七十二四爻九十六五爻百二十六爻則百四十 者皆老數也本義曰凡陽文百九十二得六千九 數亦是取象之辭不

大地 日本日本日本日 是故四皆而成易十有八變而成卦 當萬物之數盖萬物之數至多也而二篇之策萬有 四千六百八策陰陽總合萬有一千五百二十此當 百一十二策陰爻一百九十二一爻二十四策總得 各半陽文一百九十二一文三十六策總得六千九 萬物之數 萬物恰有山數二篇之文總有三百八十四文陰陽 十五百二十亦多之至也故以為當萬物之數 易紅存疑

金牙巴尼人 八卦而小成 其成内外卦只是自此而積之爾故曰四營而成易 則有三爻此時既成八卦於六畫之卦則為小成也 外體大小成也盖四管而成一變三變則成一文九變 上言十有八變而成卦此言八卦而小成明卦之有內 分二掛一條正是楪蓍求卦之法此四營而成易也 有八變而成計易即變也故四管成易之下即繼 八變方成卦也

KEDIOL KIND 引而伸之觸類而長之天下之能事畢矣 中間内體一節未及發故翻足之以此句 蒙引曰上言一變遂來勢說到十有八變而成卦處 言既十八變而成卦由是引而伸之視其文之變不 為準觸其類而長之則六十四卦每卦皆可變為六 變以為動静則一卦可變而為六十四卦又以一卦 引伸是自十八變成卦之後而引伸之不是自八卦 小成而引伸之此與易學故蒙之說不同蒙引有辨 易維存疑 +=

金岁四月白書 顯道神徳行是故可與酬酢可與祐神矣 之所具者如所謂古凶消長之理進退存亡之道是 則其法已盡矣此則語其功效以示人也道是易中 上言揲蓍求卦之法成於十有八變極於引伸觸類 也當夫十有八變之後引伸觸類之餘觀其所成者 加美故曰天下之能事專矣 十四卦凡有四千九十又六卦也變而至是不可復 何卦所值者何爻則此理昭然於卦爻之辭是道因

Ch. Towal Like 所值者何交而吉凶之理皆具於卦爻之間由是用 十有八變之後引伸觸類之餘則見其所成者何卦 趨避則民行無由濟其德行滯而不通及以蓍問易 媾祭祀涉川攸往是也萬民疑於吉凶之途,而莫知 故曰神徳行後軍變而通之以盡利鼓之舞之以盡 勉不怠而民行以齊徳行以通有若神明之所為者 之以作事則古以之趨凶以之避民皆亹亹忘倦勉 辭而顯也施行是民生日用之所行如建侯行師婚 7 易経存疑 十四

多玩匹好全書 此分釋 酬酢祐神總承顯道神徳行不必分屬上文 **徳行俱歸之蓍尤似潔淨但不知朱子當時為何似** 數而得辭因辭而見道見道而後德行可成此其序 道是吉凶之理徳行是超古避凶之事問易者必因 神即是此意 況山章 專指誊卦未及乎辭若去辭字不道,顯道神 也本義以顯道屬之辭神徳行屬之數似失其序矣

子曰知變化之道者其知神之所為乎 制器者尚其象以卜筮者尚其占 易有聖人之道四馬以言者尚其辭以動者尚其變以 くさうしき かます 凡人用易有兩樣卜筮是一樣所謂動則觀其變而 變化之道皆神之所為也故能知變化之道則知神 不固聰明聖智達天徳者熟能知之意思 之所為此夫子有見於易數而重致歎頗似中庸的 石第九章 易経存疑 十五

**金元四月全書** 無動静言 以言不是空言是欲斷事也如雋不疑引經斷獄是 是用卜筮以制器者尚其象亦有不用卜筮者此须 者山童以言者尚其辭是不用卜筮以動者尚其變 以無大過又如先儒所謂孟子善用易此不用卜筮 而玩其辭是也如孔子曰假我數年五十以學易可 玩其占是也有不用卜筮是一樣所謂居則觀其象 )南人有言曰人而無恒不可以作巫醫子曰善夫

たいりい見るます 籌度其應接之方是之謂動凡人揲蓍求卦四營而 盖易辭該天下之事理子曰聖人有以見天下之動 之辭也尚其辭以發言斷事則夫人不言言必有中 為一變其所餘之策或一或二或三或四隨其所趨 矣故曰以發言者尚其辭事物交接念慮初起経營 不恒其德或承之盖不占而已矣此尚辭以發言也 謂之爻其該天下之事理可見故曰所樂而玩者爻 而觀其會通以行其典禮繁辭馬以斷其吉凶是故 易経存疑

金与四月分言 要如何惟視著策之變看所成者何卦所值者何文 然後以之應接如得卦文事理無失是可作也可作 隨其所趨而無一定是之謂變應接之初不可執定 變則象之未定者也售說人之舉動不可執滯當如 而無一定三變之後所餘之策或七或八或九或六 著策七八九六之變之無定愚按依此説則以動尚 可作則止無定執馬是之謂尚變蓋動者事之未成 則作無專主馬如是卦爻事理有失是不可作也不

くさいりら ときら 是也凡此等事皆具之易易之所具自有其象如也 是動之已成如建侯行師婚媾祭祀涉川攸往之類 陽之下為姤之象六十四卦三百八十四爻皆然器 坤之象一陽動於五陰之下為復之象一隂伏於五 象是變之已定如六畫純陽為乾之象六畫純陰為 説於不可固滯之意自在也學者細思當自得之 變為空虚初不粘蓍策卦交之變化恐尚有碍如愚 初九則有建侯之象師貞丈人吉无咎則有行師之 易紅作疑

国员四月百言 齊矣故曰以制器者尚其象以動尚變以制器尚象 則為蘇撰著求卦看所成者何卦所值者何文其辭 只是一事而分始末爾占不外乎解繫於卦文之下 象人之制器取其象而法之則不愆不忘而事以之 象屯之六二則有婚媾之象隨之上九升之六四則 凶者則當考其占也考乾元亨利貞之辭可知其古 之或吉或凶在所當用則謂之占用易卜筮以知吉 有祭祀之象需卦坎水在前乾健臨之則有利沙之

パミンローラ かられる 占以用於卜筮乃拘上三句欲一例觀之恐聖人之 言不若是之拘況卜筮明是實事乃作假借字說不 惟失了本來面目且又多事學者細思當自得之 考其占其辭未為不順若依蒙引謂泥卜筮字是取 占以用之於卜筮思謂依思說用易以卜筮者則當 泥卜筮字泥卜筮字則須卜筮後方得占如何乃取 八十四爻皆然故曰以卜筮者尚其占蒙引曰不可 也考乾上九亢龍之辭可知其凶也六十四卦三百 **を利用されたいのでは、日本に対していました。これには、これのできないのできないのできない。** 易紅存號

與於山 是以君子將有為此將有行也問馬而以言其受命也 如響無有遠近幽深遂知來物非天下之至精其孰能 受命也此說當從若作發言去處事則少有處事而 當作問易之言朱子小註曰言是命龜受命如響龜 是聖人本意亦無供著求卦去發言者依思見以言 本文問馬而以言本義曰發言處事又是添字恐不 **必用言者若發言處事平重則不應本文遺了事字** 

獨好四件全書

יילאין טייטן קיניינים איין 基於天下英雄使君與操之一言武后在唐太宗時 為才人李淳風謂其人已在陛下宫中是深也通典 宗之謀代周是幽也事有福毅之所伏如曹劉割地 **未是盖来物吉凶也人事方有之若造化氣數之推** 之外百年之久遠也在儿席之下旦夕之間近也事 以造化氣數之推遷為幽人心念應之發動為深似 有在幽暗之中如漢唐諸臣之謀誅宦官宋太祖太 故以言作問易者之言為當遠近幽深如事在千里 易然存疑

多玩四月全書 十四卦三百八十四爻皆如此所以曰天下之至精 若說得執殺不能該天下之理便是粗底事理不為 設箇潛龍之象其占回勿用看隨甚樣人皆用得六 下之至精盖當初聖人繁辭是看得卦爻中義理是 遷遠了人心念處之發動則是其見乎隱莫顯乎微 無有遠近幽深遂知將來之吉凶於山見易辭為天 者又安得為深 如此然後設箇虚象来說於萬事無不該如乾初九

推互體始足以濟辭之所不及而為吉凶之前知爾 卦象卦變無不應矣文王周公之辭所該終有限故 者吉凶何自而決盖人於辭上會者淺於象上會者 有時而不應必如左傳國語所載卦體卦象卦變而 深伏羲教人卜筮亦有卦而已隨其所遇求之卦體 雲莊劉氏曰筮法占卦文之辭然其辭或有不相應 該本無稽實待虛存體應用可味至精之意 精矣朱子學易為理定既實事來尚歷用應始有體

大百日日日日 3

易維存疑

定天下之象非天下之至變其孰能與於此 金りでを 參伍以變錯綜其數通其變遂成天地之文極其數遂 要之於辭上會者淺於象上會者深信如劉氏之說 愚按聖人至精之言只是大綱且據易辭而賛之兩 讀易者不可不察也 **参伍以變是一箇數目既以三數之復以五數之如** 可盡意正如此學者不可不知 予於虚齊易蒙引序云易可象而不可言可言而不

絲愚謂若只得七八則無上下矣謂六便對九七便 多家之前之意酒 得六箇五五六三十也牒蓍之法自四營而三變只 對為錯六上生七為陽九下生八為陰便是上下為 錯綜其數朱子語録謂六對九七對八便是東西相 是一下數去無一數而復重然伍以數之事曰然伍 以變亦是借其字樣以顯一先一後更相考覈以審 三十箇錢以三數之得十箇三是三十也以五數之

アスこり 自 という

易経存録

謂總而摯之一低一昂之謂也 後總挈着策爾如一變之後置掛劫之策於格上第 對八亦是採時所無只是尋箇九七來與六八對爾 所謂交而互之一左一右之謂也三變之後將所置 依愚見錯綜二字只是三變之際分布著策三變之 二刻之策總取起来計算看是也是六是七八山所 二小刻二變之後置掛扐之策於格上第三小刻此 變之中就有泰伍如左掛左排左歸奇參也右採

部分区屋台書

ころうして といる 除是天地之文於是乎成矣 而為一綜也其所得之策非七八則九六未見所成 七八則九六七為少陽八為少陰九為老陽六為老 也及三拱兩手之策是之謂通其變其所得之策非 文者陰陽老少之稱方其一變之餘所得之策非 右歸奇伍也 三變之後方見錯綜如三變之策布而為三錯也望 一則三四未知其為七八九六陰陽老少之文未成 易経存疑

多灰匹库全是 乎定矣 蒙引曰通其變謂變到極處而天下之文 者何卦所值者何交動静之象未定也自三變而十 六為動又或五文為九六則一文得七八為動者矣 動與變不同如九六變也七八不變至於動則或九 已成極其數謂數到完處而天下之象已定 又曰 坤六畫皆六則坤變而之乾是卦文動静之象於是 為純乾六畫皆九則乾變而之坤六畫皆八則為純 八變是之謂極其數是時所得之卦如六畫皆七則

易无思也无為也寂然不動感而遂通天下之故非天 下之至神其孰能與於此 7. 70 IDL 114.10 方惟變所適故曰非天下之至變孰能與於此 能為多為寡為奇為偶然老為少為動為静莫知其 **參伍錯綜通變極數均是尚變尚象之事** 天下之至變謂圓神不倚變化無方也惟其如是故 動則不分九六與七、 上言尚辭尚變尚象尚占之事以至精至變贊之 易紅序疑 三

一到 片四月全書 為寂然不動是言人未拱著求卦之時感而遂通天 命如響遂知来物之意盖即上文而再滕説以歸於 易以着卦著卦本是箇無商度底事物故曰无思无 下之故即是上文遂成天地之文遂定天下之象受 神其體變其用也 用所以行也要不過前童神无方而易无體之意爾 則推本於至神即本義所謂四者易之體所以立而 F.

大きり事を持ちる 也著在櫝卦在冊如洪濛之未判如朕兆之未形爾 言易不外着卦爾著雖有象變然其未動也只是四 此者是其至神之妙无有方所故能有感即通之如 而得吉凶悔各因之以報感而遂通天下之故爲若 有為起於思易既无思也何為之有方人之未問易 十四卦之形畫而已思出於心易則无心也何思之 十九之枯蓝而已卦雖有辭占然其未顯也只是六 **此其寂然不動者也及人之問易也象變辭占因之** 易経存疑

夫易聖人之所以極深而研绕也 金牙でたとう 成文定象則象變也者是聖人之所以研樂者也盖 是也使非天下之至神孰能與於此哉 之至精而受命如響遂知来物則辭占也者是聖人 極深研幾只是上文之至精至變廟言辭占為天下 之所以極深者也象變為天下之至變而然伍錯綜 上言尚辭尚變尚象尚占既軍此欲明上文所為聖 人之道也故曰夫易聖人所以極深而研幾也要之

Servicional historia 各無不研究出來示人是有以研其然也 而形因撰而得卦爻之陰陽老少動静事之吉凶悔 其所判其理最是微妙難見所謂幾也象變則因著 受命如響遂知来物於古凶未形之幾而預先窮究 陽老少卦爻動静未知其所分事之吉凶悔各未知 出其理以告人是有以極其深也著策未動之先陰 之始吉凶未見而其理隱於未形所謂深也辭占則 天下之事隨其得失莫不有吉凶之報然當其作事 易經存疑

惟神也故不疾而速不行而至 惟深也故能通天下之志惟樂也故能成天下之務 所為者令則以之而成文定象以之而用動制器天 下之事務於是乎成矣 易惟聖人所以極深也則天下之人迷於吉凶之途 人所以研幾也則天下之人眩於趙避之故而莫知 為凶而在所當避天下之心志於是乎通矣易惟聖 而莫知所趙避者令則知其孰為吉而在所當趙孰

金分四月分量

子曰易有聖人之道四馬者此之謂也 所以極深研幾通志成務如此故曰易有聖人之道 條意思相似言幾深之所在即神之所在也惟神心 此承上文之意而用首章之句以結之夫易聖人之 自至言其不用人力也方是神之所為 故其所以通志成務者皆不待疾而自速不待行而 此又即上文之意而歸之神與上文易无思无為

包定匹库全書 而已者也是故聖人以通天下之志以定天下之業以 衙天下之疑 子曰夫易何為者也夫易開物成務冒天下之道如斯 而迷惑以之開是開物也既知吉凶之所在而吉以 開物成務知行之意示人以吉凶之途使知所趨避 此承上章言卜筮之事亦盡前章未盡之意也 **从 敢是盡上華未盡之意蒙引說亦明白** 右第十章

成逐文開示吉凶包括無遺如将天下許多道理包 所以說冒天下之道語類曰易之為書因卜筮以設 言天下道理皆在其單目之中無所遺漏盖舉凡天 文無不包括隨人以事問易而易皆有以開物成務 之趨凶以之避事務以之成是成務也冒天下之道 及有象其吉凶悔客之理而六十四卦三百八十四 藏在中故曰冒天下之道如利用為大作一久象只 下之事小而涉川攸往大而建侯行師精及無形粗

欽定四庫全書 事則文只三百八十四何足以盡天下之事變而冒 天下之道哉 開物故聖人以通天下之志易以成務故聖人以定 愚按必依此說方說得冒天下之道若一久只管一 聖人以通天下之志三句承上文開物成務言易以 可為亦須是盡善方能無過所以有元吉无咎之戒 子於父臣於君僚屬於官長皆不可以踰分越職縱 曰下不厚事也自此推之則凡居下者不當厚事如

聖人以此洗心退藏於密吉山與民同患神以知来知 是故者之德圓而神卦之德方以知六文之義易以貢 以藏往其熟能與於此哉古之聰明春知神武而不殺 > 1 2 CA 亦通但繁辭傅中此類甚多如是故君子居則觀其 象而玩其辭是故列貴賤者存乎位是故着之德圓 乎斷矣故曰以銜天下之疑是故字輕若依愚山説 天下之業聖人用易通志定業則天下之疑惑於是 而神之類可見 易終存疑

一欽定匹庫全書 者夫 前民用故語類謂此言聖人作易之本 之時又莫知其為七為八為九為六是圓轉而不定 其四營之時初莫知其為一為二為三為四及三變 山言聖人無小筮而知吉凶必先有此然後作易以 其始襟之時未知其為何卦何文古凶之理茫然未 凡物圓則流動流動則神方則止定止定則知著方 變化而無方也故曰其徳圓而神卦是揲蓍得者方

之理也 變易告人處貢曰告是即書冒貢于非幾之貢字 飛九之殊漸之六文則有干磐陸木陵遠之異山其 六文之義變易以告人如乾之六文則有潛見惕躍 故曰方以知方者一定而不轉移也知者中藏是非 而卦爻所具之理或為古或為凶皆一定而不可易 知及夫十有八變之後看所得者何卦所值者何文 聖人體具三者之徳而無一塵之累便似把他来洗 易紅存疑

**欧定四車全書** 

将至善必先知之不善必先知之故曰神以知来 清明在躬志氣如神山聖人圓神之徳也来是吉凶 文理密察足以有别此聖人方知之徳也往是吉山 之朕兆已的而将来者也國家将與必有複祥國家 了更沒些私意小知在裏許 濯自家心一般語類曰是以那易之理来洗自家心 雖未有朕兆而其理己一定者也書曰惠迪吉從逆 将亡光有妖孽是以聖人清明在躬志氣如神禍福

とこう言います 吉山與民同患言古山之来不知趣避民以為患聖 古之聰明春知與神武不殺是二項蓋承上文神以 不見其形願察其影是知其藏往之徳者也 曰方令君命犯而主威陵外戚之權日以益隆陛下 何者為凶其理都藏在胸中了故曰知以藏往梅福 凶惟影響是矣聖人文理密察足以有别何者為吉 八亦與人同也趨吉避凶聖人與民同藏往知來聖 與民異此其所以為聖人數 易経存疑

金人世是人 是以明於天之道而察於民之故是與神物以前民用 聖人以此蘇戒以神明其徳夫 言聖人作為卜筮教人知吉凶以終上文之意也是 而知吉山亦猶神武有以服人而不假殺伐之威者 以字是承上文言聖人 知来知以藏往而言此惟古之聰明睿知不假卜筮 也故本義曰得其理而不假其物之謂 (言聖人無卜筮而自知吉凶已具作易之本此承 八聰明睿知具圓神方知之徳 •

アスラーショ たみら 生其蓝丈長其叢滿百即其半又有以合天地大行 象而八卦八卦而六十四卦莫非天道之自然聖人 之數神龜之生戴九履一左三右七二四為局六八 固已點會於心而龍馬負圖出河自一至十之數具 故則察之明天道如何切於作易盖天道不外太極 不假卜筮而知吉凶是以上而天道則明之下而民 陰陽變化之理而已自太極而兩儀兩儀而四象四 天地變化生成之理又有以改聖人之獨知蓍並之 易紅存疑

医牙四犀子 吉凶悔各利害之途而莫知所趨避此則生民之故 為足五十居中之文又有以合乎陰陽之數凡山皆 作而蓍龜可用之卜筮察於民之故則知民迷於吉 而聖人之所察也聖人明於天之道則知易卦之可 利害生化然之理也然斯民之生黄蠢無知方迷於 惡相攻而吉凶生遠近相取而悔吝生情偽相感而 凶之途不可不有以開其先於是與蓍之神物以教 天之道而聖人之所明也察民故如何切於作易愛

Kriting histor 是故闔户謂之坤闢户謂之乾一闔一闢謂之變往来 盖卜筮未作聖人固不假之以知来卜筮既作聖人 自聖乃聖人所以為聖非若夫人之侮慢自賢也 亦假之以知来不以已之能知吉凶而不用此聖不 民行因之以濟此聖人作易教人卜筮之事也聖人 心神明不測如思神之能知来此又聖人之用易也 既作卜筮教人知吉凶自家亦齋戒以考其占使其 民筮與龜之神物以教民小使民用有以開其先而 易紅存疑 Ĭ.

法利用出入民咸用之謂之神 不窮謂之通見乃謂之象形乃謂之器制而用之謂之 方其利貞之時氣機自外而收斂於内如户之闔則 用之事盖原始要終而言之也天道流行發育萬物 龜之所生也制用之法民用之神正是與神物前民 育之功普龜之所由生也見象形器言生物之序著 謂之坤及其元亨之時氣機自內而發洩於外如户 此發明上文與神物以前民用之意乾坤變通言化

金为巴尼人可是

とうりしている 用已有規矩法度之可觀是故謂之器見形象器生 合之時形容已著而各成物宜體質已成而各適其 特依稀彷彿之可見而已是故謂之象及其各正保 之時朕北方的而形容未著胚胎初露而體質未成 復来而無終窮則謂之通乾坤變通此造化之功所 則謂之變闔往而關来闢住而闊来來而復往任而 以發育萬物者也萬物之生於造化也當資始資生 之關則謂之乾闔之後繼之以關闢之後繼之以闔 易經存疑

六之數以成天下之文定天下之象此制蓍而用之 開龜之四兆日方兆日功兆日義兆日弓兆龜人以 卜取百些而用其半以合於大行之數以四十有九 也太卜掌三兆之法曰玉兆曰瓦兆曰原兆卜師掌 之蓝為分撰掛切之法積其歸奇之策以為七八九 著巍獨得其理尤全也故聖人取著而制之用之以 萬物生於造化同具陰陽之理皆可以取用然不若 物之序也而蓍龜已生於其間矣

金为世后台門

文で日本を 趜吉避凶出於心惟意肯莫知誰之所使有不可得 莫知其然此則謂之神也神者妙而不測之名民之 利斯民見其利咸相率而用之歡於鼓舞聲靈忘像 聖人既制卜筮之法民用之以出而利用之以入而 知吉凶此制龜而用之也 兆察其體之吉凶色之善惡墨之大小坼之微明以 其方之色與體辨六龜之屬占人明火熱燋依四時 以灼龜之四足以體色墨圻辨金木水火土五行之 易紅作疑

是故易有太極是生兩儀兩儀生四象四象生八卦 金分区居台雪里 及卦也 **蓍則卦不行然非卦則蓍不立所以聖人言蓍而必** 用也然使易卦不作此蓍亦何由而立哉以聖人之 謂制蓍筮之法為民用之神固聖人與神物以前民 上言聖人制着以筮山言聖人畫卦盖着之體也非 自然而然莫使之然也 而測度所以謂之神故本義曰百姓自然之日用言

**人三日中心町** 太極也動而生陽静而生陰陰陽之分本於太極之 立是太極生兩儀也然陰陽生生不已太極動静隨 在而分兩儀之上又各生一奇一耦而為畫者四則 動静易卦之初左一陽畫右一陰畫則兩儀由此而 陽之所以變化者有箇理為之主宰理即太極也是 而四象自四象而八卦皆陰陽之變謂之易也然陰 作易言之夫易不過一隂一 為太陽少陰太陰少陽而四象於是乎成矣四象之 易紅存疑 一陽之變化而已自兩儀 Ŧ

金月でたる 卦定吉凶吉凶生大業 上又各生一奇一 坟艮坤而八卦於是乎成矣八卦已成則六十四卦 亦不過因此而重之而蓍策之用自此起矣 同事有當否之或罪時之長事之當者則得吉時之 阚故能定吉凶 此八卦該六十四卦蓋六十四卦不過八卦之加重 卦既成則陰陽往來交錯於其間時有消長之不 一耦而為畫者八則為乾兒離震器

人でしていたという 蒙引回如乾卦純陽至健其道大通而至正山其時 定則吉以之趨凶以之避而大業於是乎生矣 未可處進不處進則無害若處進則事不當而有害 亨而利貞矣如屯卦以震遇坎乾坤始交而遇險陷 之長也而至正二字又含有事之當馬則其占為元 矣此可見八卦定吉凶處 **此其時之消也能動雖可以亨而在險則宜守正而** 消事之不當者則得凶是吉凶於是乎定矣吉凶既 易経存疑 示か

凶成天下之亹亹者莫大乎蓍弱 大乎日月崇高莫大乎富貴備物致用立成器以為天 是故法象莫大乎天地變通莫大子四時懸象著明莫 下利莫大乎聖人探騰索隱鉤深致遠以定天下之古 此節是對著龜功用之大舉天地四時日月富貴聖 用何自而行哉故遂承而對之曰是故法象莫大乎 雖由之而定大業雖由之而生然無蓍龜則易卦之 人不過引起以歸於蓍龜爾大意謂易卦之作古凶

STATIONER PROPERTY 成象天地之間皆法象也而天地為尤大日月星辰 也而貴為天子富有四海為尤大百工技藝之人皆 貆 能創物以利用也而備物以致用立成器以為天下 日月為尤大凡居乎民上自士以至於公卿皆崇髙 為尤大星辰之燦爛雲漢之昭回皆懸象著明也而 之上下晝夜之往來萬物之始終皆變通也而四時 天地云云而終之曰探隨索隱鉤深致遠莫大乎蓍 易終存疑

每分回屋 白書 **随雜亂也如衆論紛紜不一 順隱深遠依上文遠近幽深例當作四項說旨以作** 事說徐氏以順隱為物象亦不是 立成器以為天下利也 聖人因民之所利而利之樽節愛養之事尚多不止 利則聖人為尤大 如曹操南下吳諸將或欲納降或欲擊之衆論紛紜 上文備物致用意然必如蒙引説然後義理始備蓋 說立成器以為天下利只是足 七十 說這樣吉或說那樣吉

遠是事在千里之外百年之後者 深矣又如王安石變法其禍至於基宋之亂亦是深 處推此類可見也 謂女子昌殺唐子孫殆盡其人已在陛下宫中可謂 訓鄭注之謀誅宦官宋太祖太宗之謀代周是也 用中即此意但被不用著龜爾隱是幽暗之中如李 深是事有古凶之理其幾則伏而未形如李淳風所 則當用著龜以決之此探順也大舜執兩端而

というしています

易経存疑

デオハ

金历四月石量 見吉凶聖人象之 是故天生神物聖人則之天地變化聖人效之天垂象 定天下之吉凶使天下之人作事熟為吉熟為凶其 求其精者則莫大於山也 莫大乎著龜言術數之學識緯之書皆足以前知若 避凶勉勉不怠自此而成也 理皆自此而定也成天下之亹亹使天下之人趨吉 此言聖人作易之所由神物蓍鮑也聖人則之而立

河出圖洛出書聖人則之 聖人象之而為卦爻之吉凶盖順理則吉逆理則凶 風寒雨賜順時則吉不時則凶此天垂象見吉凶也 陽陽化為陰之變化日月星辰順度則吉逆度則凶 榮悴天地變化也聖人效之而為蓍策卦爻陰變為 從來皆祖漢儒孔安國劉向劉歆諸儒之說謂伏義則 卜筮之法日月星辰晝夜寒暑之往来人物之生死

人どり自合いす

易終存疑

等九

也若九畴之子目雖合河圖五十有五之數而洛書 轉之一爾信如斯則是復有八河圖而後九畴乃畴 圖之自一至十即洪範之五行而河圖五十有五之 數乃九疇之子目夫河圖固五行之數而五行特九 洛書與河圖並出於伏義之世聖人則之並則圖書 以漢儒之説為非議其可疑六其三云先儒有言河 之數乃止於四十有五使以洛書為九疇則其子目 圖以作易大禹則洛書以祖範本朝大儒王禪謂


金月四月 白書

PLE STATE TO THE STATE OF THE S 虚其中十五以象太極則陽數只有一三七九合之 右七二四為有六八為足之數聖人則之於河圖也 昔伏羲総天而王正人文當與之時龍馬負圖而出 九地十之數神龜負文而出於洛有戴九履一左三 於河有天一地二天三地四天五地六天七地八 說復為之說云 為二十陰數只有二四六八合之亦二十兩儀之象 已缺其十矣六疑俱有理而此尤為精切今子因其 易經存疑

金分にたるいで 象也四正以一含九三含七四隅以二含八四含六 也太陽居一而連九少陰居二而連八少陽居三而 補四隅之空以為兒震巽艮於洛書也四方之正以 四象之象也於河圖也析四方之合以為乾坤坎離 之位二八四六亦合為二十而居四隅之位兩儀之 其中五以象太極則一九三七合為二十而居四正 連七太陰居四而連六四象之象也其於洛書也虚 為乾坤次離四隅之偏以為免震異民八卦之象也

Child Sittle Mil 皆本於天一至地十之數謂之名異者河圖之十洛 之數合而有屬者也二者名異而實同謂之實同者 河圖之數散而未合者也河圖之生成相配即洛書 臣故洛書以奇居正而偶居側洛書之奇偶相對即 外為客故河圖以生居中而成居外正為君而側為 道其常數之體也洛書以五奇數統四偶數而各居 其所盖主陽以統陰而肇其變數之用也中為主而 河圖以五生數合五成數而同處其方蓋揭其全而 易終存疑 凹土

金月四月百十 愚按聖人則河圖洛書之說自孔子而後経邵康節 程伊川朱紫陽真西山蔡九峰胡玉齊等諸儒如出 書之儿其指各有在也 乃更為之說從前之說俱因諸儒盡行削去仍列河 說與諸儒較論果無得而易予當謂義理之微非 所能知而天地之秘不一時而盡洩者正以此爾 口更五百餘年至王華川先生獨以為非令取其 二圖于後以待學者之詳考云



以新也 欠こりをときす 易有四象所以示也繋辭馬所以告也定之以吉山所 **做此聖人逐卦逐爻各繋以辭乃闡卦爻所具之理 爻皆老陽則為乾變之坤皆老陰則為坤變之乾餘** 上言聖人作卜筮之法盡矣此言象變辭占所以終 之四象隨其所趨而卦爻以之成故曰所以示如六 卜筮之事也易有四象雖只言象變就在象中定之 以吉凶亦只在繫辭内易中有老陰老陽少陰少陽 易維存疑 뒫

金月四月月 其為吉如曰亨曰利曰无悔无谷皆吉之類也於凶 使人不疑於所在爾故曰所以銜 者則斷其為凶如曰悔曰各属皆凶之類也若此者 正緣人疑於吉凶之途而莫知趨避故從而判斷之 以告人坤利北馬之辭則闡坤柔順中正之理以告 以告人如乾元亨利貞之辭則隨乾大通至正之理 人故曰所以告卦爻有吉凶聖人繁辭於吉者則定 右第十一章

Kred Dung Liching 子曰聖人立象以盡意設卦以盡情偽繁辭焉以盡其 子曰書不盡言言不盡意然則聖人之意其不可見乎 易曰自天祐之吉无不利子曰祐者助也天之所助者 自天祐之吉无不利也 順也人之所助者信也履信思乎順又以尚賢也是以 之順尚賢方作尚九五之賢盖自己信順而又能用 賢所以受祐於天吉无不利也 履信思順就上九本身説不云優九五之信思九五 易経存疑 野

一言變而通之以盡利鼓之舞之以盡神 金片四月百里 之器又是言卦象化裁之變推行之通又是言變通 卦象易立乎其中易字指變通形而上之道形而下 立象以盡意設卦以盡情偽是答書不盡言言不盡 言後面節節發明此意第二節乾坤成列乾坤字指 盖易非象卦無以立本非變通無以達用故如此立 意即是下繋傳仰則觀象於天俯則觀法於地觀鳥 前章言小筮之事此言象卦變通備小筮之本末也

とうりき シチョ 盡意 皆陰陽之消息也聖人只該一陰一陽兩畫以象之 而天下許多物理皆盡於兩畫之中矣故曰立象以 雷露之聚散羽毛鱗甲之生死百穀草木之祭悴是 天下之人循性而動者謂之情拂性而動者謂之偽 獸之文與地之宜於是始作八卦以通神明之徳以 類萬物之情意天下物理不外陰陽消息两端而已 如所謂幽明之故死生之說思神之情狀以至雨風 易往存疑 五

聖人以六十四卦三百八十四爻盡天下之事理則 金夫不有躬偽也自此推之不能盡書 剛不中上九過於上而不能下是偽也又如蒙九一 卦爻之解能盡天下之言可見也如乾初九潛龍勿 如乾九二剛健中正九五陽剛中正是情也九三重 其情偽千變萬化難得窮盡聖人設六十四卦三百 以可亨之道發人之蒙又得其時之中情也六三見 八十四文則天下之情偽皆有以包括之而無餘矣

金分四月子言

Write Bright Company 時當主静事當謹密即乾初九一爻之辭而天下之 陽數九為老而七為少陰數六為老而八為少老變 變是剛柔相推而生變化之變即七八九六之數也 之則宜深藏而不市若以天子之尊而得此文亦或 引身而退避在庶民得之則不利有所往在商賈得 用未仕者得之則當隱約以待時在仕者得之則當 以盡天下之言也可見矣故曰繫辭馬以盡言 人皆可用如此則六十四卦三百八十四爻之辭足 易維存疑

通之則民行以濟有吉利而无凶害凡可以為生民 鼓舞是以通變之利鼓舞天下之人盖既變通以盡 利者無所不盡矣故曰以盡利 之變則所成者何卦所值者何交而吉凶之理皆有 而少不變若六爻變至四爻則以不變者為主是又 凶以之避則事變以之而通矣故曰變而通之變而 以七八為變也聖人制襟蓍求卦之法為七八九六 一定矣由是以卦爻所具之理見於行事吉以之趨

金分四月子言

长十

とううし ときに 乾坤其易之緼耶乾坤成列而易立乎其中矣乾坤毀 則无以見易易不可見則乾坤或幾乎息矣 乾坤即象卦也所謂形而上之道即為情偽也 聖人立象以盡意設卦以盡情偽要不外陰陽舒偶 情偽意此節專言象卦下節方言盡意盡情偽所謂 **此與下一節是明上文聖人立象以盡意設卦以盡** 之也上章利用出入民咸用之謂之神亦是山意 利人見其利皆樂為之而亹亹忘倦便似有以鼓舞 易徑存疑 學出

部分四月子書 言乾坤两畫其易之溫耶何也盖聖人畫卦自太極 易書易立乎其中之易是易之變 易之組與易立乎其中之易字不同易之組之易是 為衣之著乾坤兩畫為易之著亦猶衣之有著也易 **皆發明其意本義緼所包蓄者猶云衣之者蓋絲綿** 之組猶云易之體骨 而兩儀自兩儀而四象自四象而八卦乾坤二畫隨 二畫而已故曰乾坤兩畫其易之緼乾坤成列以下

というしという 陰陽卦畫亦徒設而已何所用之故曰易不可見則 陽之兩畫則蓍策卦文之變化者誰為之乎故曰乾 卦文之變化陰陽之兩畫已為之本也設若無此陰 變化以行也若無箇着策卦文之變化則彼圖中之 坤成列也是雖未及乎蓍策卦文之變化也然蓍策 坤毀則無以見易夫陰陽之兩畫全賴蓍策卦爻之 在對時陳布於方策之上而其位不容以易置是乾 乾坤或幾乎息矣 易維存疑

來盖此是聖人兩舉卦爻蓍策來說見其不可相無 見卦文陰陽二畫不可無也易不可見則乾坤或祭 此是言蓍策卦文之交相為用乾坤毀則无以見易 乾坤毀是本無乾坤也乃曰乾坤或幾乎息似無自 不可執泥首尾之相因執泥則難通矣得意忘言可 乎息見着策卦爻之變化不可無也易不可見本因 陰陽奇偶二畫乃易之體蓍策變化乃易之用下節

金好四月子書

之變推而行之謂之通樂而指之天下之民謂之事紫 是故形而上者謂之道形而下者謂之器化而裁之謂 欠日日日本生 乾坤成列即卦交陰陽也陰陽二畫成列於方策之 形而上也形而上則謂之道馬盖凡象中所盡之意 陰陽所具之理隱於卦文陰陽之中不可以形見此 档之天下之事業是明易之用 形而上之道形而下之器是明易之體化裁之變至 一顯然而可見是有形之物也形可見也若夫卦爻 易維存疑

金少世是 謂之變化而裁之謂之變也何以謂之通推而行之 卦中所盡之情偽是皆形而上之道也別無箇形而 謂之通也 通之以盡利句言變而通之固足以盡利矣然何以 化而裁之謂之變推而行之謂之通是明上文變而 用之成材卦爻陰陽皆是有用之物故謂之器 下只卦文陰陽對形而上者言故謂之下願器者有 化是蓍策之化四營而成易三變而成文皆是此化

人已日日上年司 其化而裁之也 然之化也凡四為奇凡八為偶奇圓圍三偶方圍四 策非四則八三變之後所得之策與三變同此皆自 盖初變之後所得之策不五則九再變之後所得力 化而裁之自三變而十八變皆化裁也則所成者何 二而得九所得皆偶則三二而得六二偶一奇則一 二用其全四用其半通三變計之若所得皆奇則三 一三而得七二奇一偶則二三一二而得八山因 易駐存疑 五十

金月四月月日 物宜是故謂之象聖人有以見天下之動而觀其會通 是故夫象聖人有以見天下之情而擬諸其形容象其 立故曰舉而借之天下之民謂之事業 謂之通舉此道之行於變通者而指之天下之民使 固通也其凶者吾從而避之亦通也故曰推而行之 卦所值者何爻而皆有一定之象矣由是以卦爻所 天下之民咸用之以趨吉避凶則何事不成何功不 著之理推而行之於事為之間其吉者吾得而趨之

とこり自己ます 化而裁之存乎變推而行之存乎通神而明之存乎其 之隨者存乎卦鼓天下之動者存乎辭 人點而成之不言而信存乎德行 以行其典禮繋辭焉以斷其古凶是故謂之爻極天下 而忘倦故曰鼓天下之動 既立自有以鼓舞天下之人使之亹亹然趨吉避凶 因天下之動而立是鼓天下之動者存乎辭也爻辭 象因天下之睛而立是極天下之睛者存乎卦也文 易終存疑

金分四是分量 是卦爻具有如是之通人何自而推行之 是之變人何自而化裁之推而行之固謂之通矣人 之所以推而行之者則存乎聖人推行之通馬蓋不 之者則存乎聖人化裁之變馬蓋不是卦交具有如 用易也謂化而裁之固謂之變矣人之所以化而裁 變通固在乎易人之所以神明乎變通者則在乎人 存乎通何也上之化裁推行作易也此之化裁推行 化裁推行也上曰謂之變謂之通此曰存乎變

大正り巨人生 言人之用易而推到徳行處可謂探本之論矣後世 術數之學馬有此等議論 之行事也有是徳行自然能黙而成之不言而信矣 不言而信是足上點而成之句德行是得於心而見 亦必有箇巴鼻於此可見神明處 不見其妙矣如左傳所載陳敬仲奔齊南削將亂所 盖卦文所著事理豈不昭然明白然人不善用之 占之事皆有得於卦文之外者雖其間不無虛飾然 易維存疑

母牙世屋と言 WATER TO STATE OF THE PARTY OF